

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولتور

نسخه سی ۴۰ پاره در

تذکره محاکمه

آبونه اولق ایستینلر دائره عدلیه ده
اداره مخصوصه سنه مراجعت
ایلدیر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولتور . محتویاتی امور عدلیه به متعلقدر

عید میامن بدید فطر

جناب آفریننده زمین و زمان وزینتدهنده
افلاک و آسمان تکرر فرمای اعیاد و ازمان
اولدجه آفتاب سپهر دولت و سلطنت و بدر
منیر افق عدالت و مرحمت ولی نعمت بی
امتنان و خلیفه رسول یزدان پادشاهمز افندمز
حضر تلرینی شرخلولیلله استناره و استسعاد
اولنان هلال عید میامن بدید فطرک مشاهده
امثال عدیده سیله اوج اجلال و عافیت و برج
سریر علویتصیر شان و مهابتده لامع و درخشان
وسایه معالیپیرایه ظل الیهیلرینی مفارق بندکان
وزیر دستانده پرتوفشان بیورسون آمین .



توقیحات

بصره ولایت مرکز بدایت محکمه سی جزا
دائرة سی ریاستی دیوانیه سنجانیه بدایت محکمه سی
جزا دائرة سی رئیس قوتلو عبده عون افندی به
دیوانیه سنجانیه بدایت محکمه سی جزا دائرة سی
ریاستی لازستان سنجانیه بدایت محکمه سی جزا دائرة سی
رئیس قوتلو زیور افندی به
لازستان سنجانیه بدایت محکمه سی جزا دائرة سی
ریاستی قره حصار شرقی سنجانیه بدایت محکمه سی
جزا دائرة سی رئیس قوتلو ناظم بکه
قره حصار شرقی سنجانیه بدایت محکمه سی
جزا دائرة سی ریاستی کربلا سنجانیه بدایت محکمه سی
جزا دائرة سی رئیس سابق قوتلو مصطفی کامل افندی به

تفویض بیورلمش و مومی الیهمک اصول مقررده وجهله
امر تحلیفلرینک اجرایی محلیرینه بیلدیرلمشدر .

نشان

در سعادت بدایت محکمه سی رئیس اولی عتوقتلو
امین و مکتب حقوق شاهانه مدیری کاظم بک افندیلر
حضرانیه برنجی رتبه دن مجیدی نشان ذیشانی احسان
بیورلمشدر .

تبلیغات

توتون رئیسی اداره سنک جزا محکمه لرنده اقامه
ایلدیکی دعاوی خرج و رسومندن طولای بعضاً غیر
مطرد معامله و قوعی مذکور اداره قومیسرلکندن
اشعار اولنقدن ناشی کیفیت انجمن عدلیه به لدی الحواله
مستعجلیتنه منی رؤیتی محاکم جزائییه تودیع ایدلمش
اولان رژی قاجیلغنه متعلق دعاوی نظامنامه مخصوصه
صنده مصرح اولدینی وجهله اساساً حقوق عادیه
مسائلندن اولوب آنده مندرج اولمیان خصوصانده
بالطبع محاکم حقوقیه ده مرعی اولان اصول و قواعد
رعایت ایدلمک لازم کله چکی و حقوق دعوالرنده آلنان
خرج و رسومندن رژی اداره سنک استثناسنه دائر بر
قید نظامی اولمدینی جهته دعاوی حقوقیه ده آلمسی
معتاد اولان خرج و رسوم ایله برابر مخبر و شاهد
ومدعی علیهله کوندریله چک جلبنامه لرندن دخی خرج
آله جفی طبیعی اولدینی افاده قلمش و ذاتاً ۲۲ کانون
ثانی سنه ۳۰۹ تاریخی تحریرات عمومیه نک بر فقره سی
دخی قاجیلغنه متعلق دعاویده دعوتیه رسومی استیفا
اولنه جغنی مبین بولنش اولمغله بعدما صور محرره
دائرة سنده معامله مطرده ایفاسی لازم کله چکی ولایات
شاهانه محاکم استینافیه سی مدعی عمومیلکیرینه تعمیماً
تبلیغ اولنمشدر .

جرائمندن متولد حقوق شخصیه دعوالرینه دائر
اولان اعلاماتک اجرایی حقنده کی نظامنامه نک مصارف
محاکمه شمولی اولوب اولمدینی استفسارینه دائر وان
ولایتی محکمه استینافیه سی مدعی عمومیلکندن وارد
اولان تحریراته ، اعلامات جزائییه ایله محکوم به جزای
نقدیلرله مصارف محاکمه نک اولبایده کی فقره مذله
موجبجه اجرا قانونسنه توفیقاً تحصیل لازم کله چکی
جوابی اعطا قلمشدر .

قونداجیلق و خرمن احراقندن طولای بعض
مظنونلرک عنه قضایی بدایت محکمه سنجه جریان ایدن
محاکمه سنده محترق اولان محصولات میاننده کی حصه
امیریهدن طولای خزیننه جایله نک محافظه حقوق
ضمننده مال مأمورینک دخی لزوم حضوری مقام
ولایتدن باتذکره بیلدیرلمش ایسده بوکی احراق
اولنان خرمنلر حقنده جرمک ثبوتی و صاحبیرینک
ضرر وزیرلرینک تضمیننه حکم صدور حائنده عشر
میری دخی بالتقدیر اخذ و تحصیل اولنه بیلجه چکندن
ومال مأمورلرینک انشای محاکمه ده حضورینه دائر
برکونه صراحت قانونیه بولندیغندن بحثله استفسار
معامله به دائر بغداد استیناف محکمه سی مدعی عموم
میلکندن وقوعبولان اشعاره ، محاکم نظامیه به اجرا
اولنه جق محاکمات انشاسنده قانوناً حضورینه لزوم
کوستریلان مأموریندن بشقه بر مأمورک انشای محاکمه ده
بولنمی جائز اولمدیغنه نظراً احراق اولنان محصولات
میاننده عشر میری بولنق سببیلله مال مأمورینک
انشای محاکمه ده صفت مأموریتله حاضر بولندیرلمسنه
مساغ قانونی کوریه مز ایسده دعاوی مذکوره ده
خزیننه جلیله نک حقوقه تعلق ایدر حصه امیره اولق
حسبیلله حق شخصی صاحبیرلی میاننده خزیننه جلیله
وکیللرینک دخی اصولی دائرة سنده حق شخصی صا
حبی صفتیلله جلب و دعوت ایدیلرک اصول محاکمه
جزائییه قانوننک آتمش برنجی ماده سی موجبجه
مؤخرأ ویرملری جائز اولان ورقه مخصوصه ایله

تضمینات ادعا شده بولندقلری تقدیرده مدعی شخصی عدلیه تضمینات دعوالرینک بالتدقیق ثبوتی حالنده حکم آلتنه آلتنی قانوناً جائز و خزینه جده منفعتی موجب اوله جنی امر بارز اولغله اولوجهله ایضای معامله اولغنی لازم کله چکی انجمن عدلیه قزایله ذکر اولان مدعی عمومیلکه جواباً تبلیغ اولمشدر.

اصول محاکات جزائیة قانونک درت یوز قرق بشنجی ماده سنده محرر جزای تقدینک اداره می یوقسه محاکم می تحصیلی لازم کله چکی حقدده مناسرت استیناف محکمه می مدعی عمومیلکندن وارد اولان تحریراته، اصول محاکات جزائیة قانوننده کتبه دن اخذ و تحصیلی محرر اولان جزای تقدیر کتبه نک وظائف موکوله لرینجه منع تنکاسلری مقصدینه مستند بر معامله زجریه دن عبارت اوله رق وظائف رسمیه لرینجه مسامحه و تنکاسل وقوعنده آله جفته نظراً آنی موجب اولان تراخی و تنکاسلک منسوب اولدقلری محکمه هیئتینجه بالحاکه ثبوتی حالنده حکم اولدقدن صکره اخذ و تحصیل ایدلک لازم کله چکی جوانی انجمن عدلیه قزایله مذکور مدعی عمومیلکه تبلیغ اولمشدر.

سرقت عادیه ایله مظنون اولوب موقتاً اشقودرده اقامتکاهی تعیین قلمش اولان آوستریا دولتی تبعه سندن انجیلیقه نام قادینک جریان تحقیقات اثناسنده صاویوشوب کیمش اولدیغندن بخله بردفعا اقامتکاه تعیینندن صکره فرار ایدوب نزده اولدیغنی ییلنه میان بوکی مظنونین ایچون نه بولده معامله اوله جنی حقدده ولایت مذکوره استیناف محکمه می مدعی عمومیلکندن وقوعولان اشعاره، مظنون علیهانک معین اولان اقامتکاهی تبدیل ایتدیکندن محکمه می خبردار ایتماش والیوم نزده ایدوکی بمحول اولدیغنی دولت متبوعه می قنجلاریه سندن ییلدرلرکی سیاق اشعاردن آکلاشلمش اولسنه نظراً کندیوسنک دیگر صورته تحریرسته مجبو ربیت قانونیه اولیوب فقط معین اولان اقامتکاهه علی الاصول جلبنامه تبلیغ ایدلکسزین حقدده معامله غایبه اجرایی جائز اوله میه جقدن تعیین اولنان اقامتکاهه قنجلاریه می واسطه سیله تبلیغات ایضایله اثبات وجود ایتدیکی تقدیرده معامله مقتضیه قانونیه نلک اجرایی اقتضا ایده چکی جوانی انجمن عدلیه افاده سیله اعطا اولمشدر.

محاکات قضاوت

اشتبلی آرصو ولد کینک دکانی کلیدینه اناختسار اویدیره رق اموالی سرقت ایلدکلری ادعا قلمسندن

دولای جنایتله متهم اولان عارف بن علی وادیب بن محمدک اوچر سنه مدته کورکه قونلرینه داترقوصوه ولایتی استیناف محکمه می جزا داتره سندن ویریلان ایکی یوز بر نومرولو اعلام ۲۰ حزران سنه ۳۱۷ تاریخنده محکمه تمیز جزا داتره سنجه تصدیق اولمشدر.

ریزه قضاسنک روسه قریه می اهالیسندن حسین رئیسک کیفیت قتلندن طولای جنایتله اتهام اولنان سرملوس قریه سندن علی بن حاجی حقیقک اون سنه مدته کورکه قونلسنه داتر لازستان سنجانی بدایت محکمه می جزا داتره سندن اعطا قلمان قرق سکر نومرولی اعلام ۱۴ حزران سنه ۳۱۷ تاریخنده محکمه تمیز جزا داتره سنجه تصدیق اولمشدر.

تیورحصار قضاسنه تابع پتروه قریه می اهالیسندن کورکی ولد اسپاسو ورفقاسنک اثنای راهده مسلحاً اوکلرینه چیقه رق نقد و اشبارلری اخذ و سرقت ایتسندن دولای جنایتله متهم اولان بلال بن محمدک اوچر سنه مدته کورکه قونلسنه داتر سروز سنجانی بدایت محکمه می جزا داتره سندن اعطا قلمان ایکی یوز طقسان اوچ نومرولی اعلام ۱۸ ایلول سنه ۳۱۷ تاریخنده محکمه تمیز جزا داتره سنجه تصدیق اولمشدر.

دراویش قریه می اهالیسندن عبده بن سلانک خانه می دیوار بنی دله رک اشپاسی سرقت ایلدکلری ادعاسیله جنایتله متهم بولنان قریه مذکوره لی محمد بن سالم و حسین بن حسنک اوچر سنه مدته کورکه قونلرینه داتر موصل ولایتی استیناف محکمه می جزا داتره سندن اعطا قلمان ایکی یوز درت نومرولی اعلام ۲۷ اغستوس سنه ۳۱۷ تاریخنده محکمه تمیز جزا داتره سنجه محکمه تمیز جزا داتره سنجه تصدیق اولمشدر.

نارلی دره قریه سنده قهوه چی یاستونک کیفیت قتلندن دولای جنایتله اتهام اولنان قریه مرقومه قورچیسی سلیمانک اون بش سنه مدته کورکه قونلسنه داتر خنداوندکار ولایتی استیناف محکمه می جزا داتره سندن ویریلان اوچ یوز طقوز نومرولی اعلام ۴ اغستوس سنه ۳۱۷ تاریخنده محکمه تمیز جزا داتره سنجه تصدیق اولمشدر.

زوجه می فضاءنک کیفیت قتلندن دولای جنایتله متهم اولان بشایشه عشرسندن محمد بن سالمک اون بش سنه مدته کورکه قونلسنه داتر سوریه ولایتی استیناف محکمه می جزا داتره سندن ویریلان یوز اون طقوز نومرولی اعلام ۸ تشرین اول سنه ۳۱۷ تاریخنده محکمه تمیز جزا داتره سنجه تصدیق اولمشدر.

ملاطیه قصبه سنک اسکندر محله می ساکنه لرندن فریده بنت محمدک خانمی دیوار بنی دله رک سرقتیه تصدی ایللرندن طولای جنایتله اتهام اولنان محله مذکوره اهالیسندن مهاجر اورلیس بن فرهادک اوچر سنه مدته کورکه قونلسنه و حسین بن یوسفک برائته داتر ملاطیه بدایت محکمه می جزا داتره سندن ویریلان ایکی یوز یکریمی طقوز نومرولی اعلام ۱۴ تموز سنه ۳۱۷ تاریخنده محکمه تمیز جزا داتره سنجه تصدیق اولمشدر.

طاغلی اوبه سندن قومان اوغلی مصطفی بن احمدک قتل ورشید بن بحبیقک کیفیت ضرب و جرحندن دولای جنایتله متهم بولنان کبابچی سعید بن بلانک اون بش سنه کورکه قونلسنه وضبطیه محمد اوغلی مصطفی ایله داودک در در ییجی آئی حبسلرینه داتر اطنه ولایتی استیناف محکمه می جزا داتره سندن اعطا قلمان یوزاللی نومرولی اعلام ۱۸ ایلول سنه ۳۱۷ تاریخنده محکمه تمیز جزا داتره سنجه تصدیق اولمشدر.

یطراس اوغلی کر قور و قارص قاضیسی اوغلی عبداللهک خانلرندن اشپا سرقت ایلدکلری ادعا قلمسندن دولای جنایتله متهم بولنان جبار اوغلی عثمان بن عثمان و قدیر بن زار عمرک اوچر ییجی سنه مدته کورکه قونلرینه داتر چوروم سنجانی بدایت محکمه می جزا داتره سندن ویریلان یکریمی نومرولی اعلام ۲۵ تشرین اول سنه ۳۱۷ تاریخنده محکمه تمیز جزا داتره سنجه تصدیق اولمشدر.

اسپر قضاسنک طازون قریه می اهالیسندن شعبان اوغلی اسماعیلک کیفیت قتلندن دولای جنایتله اتهام اولنان قریه مذکوره لی شکری بن احمدک اون بش سنه مدته کورکه قونلسنه داتر اضروروم ولایتی استیناف محکمه می جزا داتره سندن ویریلان اوچ یوز سکر نومرولی اعلام ۲۵ تشرین اول سنه ۳۱۷ تاریخنده محکمه تمیز جزا داتره سنجه تصدیق اولمشدر.

۹ مارت سنه ۳۱۶ تاریخیه درسعادت جنایت محکمه سندن اعطا قلمان اعلامدر :

اوچ یوز اون بش سنه می حزراننک اون ایکنجی جمعه ایرانی کیجه می پانغالتیده آق بابا زقاعنده وقوعه کلان حریق قصداً ایقاع ایلدیکی ادعاسیله مظنون علیها اولان والیوم محل مذکورده، بابر زقاعنده بر خانده اقامتله اوتوز طقوز یاشنده بولدیغنی افاده ایلیان ایه فوطینی بنت استاورینک جنایتله اتهامه داتر هیئت اتهامیه دن اعطا قلمان مضبطه ایله استیناف

مدعی عمومیلکنتک ۸ کانون ثانی سنه ۳۱۵ تاریخی و ۸۱۴۸ نومرولی اتهامنامه می اوراق متفرعه سیله محکمه جنایتله تودیع اولغله بالمطالعہ تفصیلاتی اولیایده طوبیلان ضبطنامه دن مستبان اولدیغنی اوزره اصول محاکات جزائیة قانوننک باب ثانیسنک فصل رابعده محرر اولان معاملات ابتدائیة وجاهیه بعد الاضا اجرای محاکمه ایچون تعیین قلمان سنه مرقومه شباطنک یکریمی اوچنجی چهارشنبه کونی متهمه فوطینی علی الاصول توقیفخاندن کتوردیلرک وکیل حسین غالب افندی یاشنده اولدیغنی و مدعی عمومی معاونلرندن احسان بک حاضر بولدیغنی حالده محاکمه علیه به مبادرت و مقام ریاستندن متهمنک هویتی بالتدقیق استجواب ضبطنده محرر اولدیغنی وجهله تعیین ایتدکدنصکره هیئت اتهامیه مضبطه سیله اتهامنامه ضبط کاتی سلمان افندی طرفندن قرائت اولندی. مذکور مضبطه مظنون علیها ایه فوطینینک مستأجر بولدیغنی خانه نک اشپاسی دکرندن فضاء فیثانه سیغورطه ایتدیررک بوکا طمعاً قصداً خانمی اخراق ایلدیکی حفسنده اوراق تحقیقده موجود اخبارات و دلائل سائر اتهامه کافی کورلمش و حرکتی قانون جزانک یوز التیش اوچنجی ماده می حکمتی مستلزم افعال جنایتیه دن بولغش اولدیغندن جنایتله اتهامه قرار ویرلدیکی محرر و اتهامنامه ده دخ مزبوره نک مضطه مذکوره مندرجاتی وجهله اتهام ایلدیکی مسطر در .

اتهامنامه نک خلاصه می جانب ریاستندن متهمه به تفهیم و انبا و معاون مومی الیه جانبندن دخ تشریح دعوی اولدکدنصکره متهمه فوطینی سولتدیرلرکده وقوعه دن برکیجه مقدم، برارمنی خانه سنده ایلکده صباحه قدر اوتوروب یاتماش اولدیغندن وقعه کیجه می ساعت اوچ قرارلرنده یاتوب او بودیغنی و انطوان اسمنده برینک شدتله قیوی اوزرمنه قزری قاققوب باقرق (مامی نایورز) دیمسیله کندوسیده قالدیغنی و بواناده محله کجیسی کلرک کندوسنی طیشاری جیقاردیغنی سردهه انصالتده کی خانه نک بالقونی یاتمده اولدیغنی کوردیکی بیان و جانب ریاستندن واقع اولان استیضاحه قارشو آتش کندولرینک اقامت ایتدکلری خانه نک اوست قاتندن چقمیدیغنی و آظواندن اول سائرلری طرفندن قبولی چالغش ایهده طویمیدیغنی و حرقندن مقدم کندی محله لرینه قریب بر محله ده حریق وقوعه میلی اوزرینه غلطه درئی اداره سنده چالشمقده اولان فرانسه لی فرانسوا کندلیسنه: (چوجقزلرک زقاعده کریمور نه ایچون خانه نک اشپاسی سیغورطه به قومیور سک؛ بلکه ینار) دیش و سیغورطه اداره خانه سنی ده کوسرتمش اولدیغندن حریقندن اون بش، یکریمی کون

اول خانه اشپاسی یوز لیرایه سیغورطه ایتدیردیکی و خانه لرنده قونسول، آینه، قاریوله، صوبه و اوطه ایله صفه ده اوچ عدد عجم خالیسی موجود اولوب بواشیانی سیغورطه مأموری دخی کوردیکی و خانه یاندیغنی وقت بواشیا موجود ایدوکی و الماس و مجوهراته داتر اشپاسیده یاندیغنی و یانغیندن برشی قور. تارمدقلری و آرقه زقافندن اشپا قاچرمدقلری و یانغیندن مقدم کوندوزین قزری حماشور یقشامش ایهده ایکی، اوچ کون قدر حماشورله اوغراشوب تدارکاتده بولمدقلری و زقاق قیوسی چالیدیغنی سردهه ایچورده قزیه لاقردی ایتدکلری و کندولرینک خانه نک اورتیه قاتنده زقاق قیوسه یقین بر محله یاتمده بولمدقلری و محترق خانه ایکی اوطه، بر یسوک صفه دن عبارت بولدیغنی اتیان ایلدی.

۱۳ حزران سنه ۳۱۵ تاریخی ضابطه عدلیه تقریری اوقوتدیرلرکده اوچ یوز اون بش سنه می حزراننک اون ایکنجی جمعه ایرانی کیجه می صباحه قارشو ساعت یدی ییجی راددرلرکده کوچک پانغالتیده آق بابا زقاعنده بورکی مصطفی اغانک متصرف اولدیغنی و ایه فوطینی نک مستأجر بولدیغنی خانه دن آتش ظهور ایدرک اطرافه سرایتله اون یدی خانه و ایکی دکان محترق اولدیغنی حالده باصدرلرلری و اجرا ایدیلان تحقیقاتده ایه فوطینی مذکور کیجه بیوک کریمه می اقبال و کوچک کریمه می مانیه ایله ساعت اوچده خانه نک آلت اوطه سنده یاتوب ساعت یدی ییجی قیو شدتله اوریلوب اقبالانک یچرهدن باقرق اوست قات اوطه نک یاتمده اولدیغنی سولسیله زقاعه جیقند قزری و یالکرز قرات یتاق چیقاردیلرکلری و وقوعه دن ایکی ییجی ماه اول خانه نک اشپاسی کندوسی الی لیرایه سیغورطه ایتدیکی حالده زوجهله فرانسوا یوز لیرایه ره نویون آدریاتیق اسمنده آوستریا سیغورطه قومانیاسنه سیغورطه ایتدیرکلری سولش و افاده لرلی ضبط ایدیلان کسان دخی حریق ایه فو. طینی نک اوست قات اوطه می یچرهمی یانندن و طیشا ریدن تحته قابلاملر آره سندن ظهور ایدرک ایلک آتشی کورنلر ایه فوطینینک قیوسی اوردقلری حالده قیو آچیلیموب آتش توسع ایتدکدن صکره آچیلیمش و اطفاسی غیر قابل بر درجه بی بولدرلمش اولدیغنی افاده التیش اولدقلری مین بولدیغنی آکلاشیدی.

قرائت ایتدیریلان تقریر مندرجاتنه قارشو بر دیه چکی اولوب اولدیغنی متهمه دن صورلدقده کندوسی اثنای حریقده خانه دن یتاق جیقاردیغنی سویلیدی. (مابعدی کلجک نسخه به)

حمال ایساق ولد آوارمک غلطه ده لوله جیلر ایچنده اسماعیل رئیسک خاننده ساکنه موشلی بریشان قادی بن محمدک اشپاسی دولاندیردیغنی ثابت اولدیغندن آلتی آئی حبسته و اون لیرا جزای نقدی اخذینه بشکطاشده کوی ایچنده حمام زقاعنده ساکن بالقیجی ولد استبان ولد مانوکلک غلاتی بی ضرب و جرح ایلدیکی ثابت اولدیغندن اون بش کون حبسته بک اوغلنده مناره زقاعنده درت نومرولی خانه ده ساکنه ایتالیالی شهره ایله همشیره سنه اطاله لسان ایتسندن دولای مظون علیها بولنان مادام الی دن ایکی لیرا جزای نقدی اخذینه

شیشلیده ساکنه ایتالیا دولتی تبعه سندن قزیه به اطاله لسان ایدن واسیلیکی قادیسندن بر آتون جزای نقدی اخذینه

بک اوغلنده توز قویاران محله سنده ساکن آلمانیا دولتی تبعه سندن شارلک مارینیجی ضرب ایلدیکی ثابت اولدیغندن لیرا آله رق مضروب به اعطاسنه

کومرجی دیمتری بی ضرب ایتدیکی ادعاسیله مظنون بولنان قالیونجی قولغنده ساکن تئودوسسک اون بش کون و قهوه چی آدونک دکانه طاش آتدیغنی ادعا قلمان مرقوم دیمترینک برادری استفانینک اوچ کون حبسیله برابر اون بشلک جزای نقدی اخذینه قاسم پاشاده حاجی فرهاد محله سنده ساکن امین وزوجه می بحریه و یلکنجی عبدی و عسکر احمدک یکدیگرکی ضرب ایتدکلری ثابت اولدیغندن بولنرذن مزبوره بحریه نک طقوز و عبیدینک اون بش کون و امین و احمدک دخی بر هفته حبسلرینه

ایصوفیده قهوه چی اکینلی ابراهیم اغیه اطاله لسان ایدن شریجی احمدک بش کون حبسته باغچوان مناسترلی فلیبی ضرب ایدن فضل پاشاده قله بوستانده ساکن سیزوانجی مناسترلی استاوری ولد قسطنینک برهفته حبسه

مصطفی طلعت بکی ضرب ایدن ایتالیاً دولتی تبعه سندن مانیفاطوره چی نسیم یاسف لوی ولد خایمندن بر آتون آلتوب مضروب به اعطاسنه

قومقوده صو ترازوسی زقاعنده ساکن مانیفاطوره چی اکینلی حزاروسی ضرب ایدن لغه ده میخا نه چی چراغی آدون ولد استراطیدن بر آتون آلتوب مضروب به اعطاسنه

محمود بکک خانه سنه حق دخولی اولمدیغنی حالده کوردیکی بیان اولنان صو یولجی قالفه می محمدک بش کون حبسیله برابر اون بشلک جزای نقدی اخذینه قاسم پاشاده قصاب جلال بن امینک تبعه ایرانیه دن اضمحاز بن صافی بی ضرب و جرح ایلدیکی تحقیق ایتدیکندن اون بش کون حبسته

یکدیگرینہ اطالہ لسان ایلدکری بیان اولنان
دیرکر آرسنده ساکن خورشید و آسجی ملاطیہ لی
حسن اوسته دن بر آلتون جزای نقدی اخذینہ
سرق ت ماده سندن دولای مظنون اولان اوز
بکر تکیه سنده بیتوت ایدن چینی حاجی ابراهیمک
اوج ماه حبسنه و ختام مدتده ضابطه جه کفالتہ ربطنه
بک اوغلی تلغرافخانه سی موزعارندن کاظم
افندی بی ضرب ایدن مذکور تلغرافخانه محاربہ
مأموری حافظ علی حیدر افندی بر آلتون آتہرق
مضروبہ اعطاسنه

طوبخانه ده جکر جیلک ایدن ادمک سلخخانه
مستخدمیندن احمد افندیکن اشیا سی دولاندر دینی
اکلاشدیغندن اوج ماه حبسنه

خاصکویده بادمکده ساکن آرابه جی چراغی
تساق ولد قره کینک دوکمه جی آرسٹیونک اشیا سی
سرق ایتدیکی ثابت اولدیغندن اوج ماه حبسیله ختام
مدتده ضابطه جه کفالتہ ربطنه

یکدیگری ضرب و جرح ایتدکاری ادعاسیله
مظنون بولنان طاطاولده قبولر باشی جاده سنده بر
نومرو لی خانده ساکن علقو ولد اسمتاک بر آی
وطاطاولده کتخدا زقاغنده یاتقو ولد طناسک بر
هفته حبسارینه

اسکدارده بلبل دره سنده ساکن مرانغوز محمد
اغا ایله حافظ جمال افندیکن امین اغای ضرب ایلدکری
ثابت اولدیغندن هر ایکسنگ بر هفته حبسارینه
غلطه ده بطریقخانه زقاغنده قوندیره جی زنجی
اسماعیل بن قدرینک اشکنه جی چراغی طریقو ولد
وانکلی ضرب و جرح و اوسته سی نیقولینک اچقه سی
سرق ایتدیکی ثابت اولدیغندن سکر ماه حبسنه

آرابه سائسی حسن چاوش نام دیگر عثمان بن
خلیلک قاسم پاشاده قومیسون خانده ساکن رنجبر
ابراهیم بن مصطفانک اشیا سی وایلیانک اتمکری
والما طاغنده چایر زقاغنده استفانک آخورنده سائس
محمد اغانک چیزمه لری سرق ایتدیکی ثابت اولدیغندن
طقوز ماه حبسنه

پاپاس کوپرسینده ساکن چیچکچی استمط ولد
یانیک اغونینک پهلرینی سرق ایتدیکی ثابت
اولدیغندن آلتی ماه حبسنه

غلطه ده قله قپوسنده زاخاروف خانده ساکن
قومیسونچی آلبر ملکشینانک بک اوغلنده بون
مارشه اوزرنده کی آپارتمانده مقیم ترزی اونیک
ساریان افندیکن طقسان طقوز فرانغی دولاندر دینی
ثابت اولدیغندن اوج ماه حبسنه واون آلتون جزای
نقدی اخذیله دولاندر دینی طقسان طقوز فرانک
بالتحصیل مرقوم اونیکه اعطاسنه

طاطاولده آرابه میدانده مرتب میچونک فاء
برقہ جی استفانوسی ضرب ایلدیکی آکلاشدیغندن بر
هفته حبسنه

یکدیگری ضرب ایتدکاری ادعا قلنان قصاب
چراغی وانکلک اون کون و قصاب علی بن ابراهیم
وستار بن ابراهیمک بر هفته حبسارینه در سعادت
بک اوغلی واسکدار بدایت محاکمی جزا دائره لرجه
قرار ویرلشد.

مُحَامَلَاتُ اِنْتِبَاهِيَّة

الشکرد قضای نائی و بدایت محکمه سی رئیس
بکر صدق افندیکن وظیفه نظامیه سنه عائد خصوصاتده
مخالف قانون احوال و حرکاتہ جرأت ایلدیکی ارضروم
ولایتی استیفاف محکمه سی مدعی عمومیلکندن کوندر
یلان اوراق تحقیقه مندرجاتندن آکلاشلغله محاکمه
آلتہ آلمسنه مأذونیت ویرلشد.

اِخْلَانَات

ایکجی حکمہ نجامده :

استانبولده سلطان حامی جوارنده پنطو خانی
آلتندکی مغازده حاضر البسه فروخت ایدن مغاکان
آپیک ۲۲ کانون اول سنه ۳۱۷ تاریخندن اعتباراً
افلاسنه و معاملات افلاسیه نک ایفاسی ضمنده اعضای
محکمه دن فضیلتو نجم الدین بک ژور قومیسر و دعوی
وکیلرندن چپار سوم افندی پناه جیان ایله ویرام
شابوخ افندیلرک موقت سندیک تعینلرینه و مفلسک
تجارتکاهنک تمهیریه کنندی و فامیلیاسنه الزم قسمنک
تفریقندن صکره متباقی اشیا بیتیه سنک ثبت دفتر
ایدیلرک محافظه سنه واشبو قرارک موقتاً اجراسنه
در سعادت ایکجی تجارت محکمه سندن قرار ویرلیدیکی
جهتله قانوننامه تجارتک ۱۷۰ نجی ماده سی موجبجه
مفلس مرقوم ذمتده آله جنی اولنلرک موقت سندیکلرک
اصالتہ تحویلی ویاخود یکیدن سندیک انتخاب و تعینی
حقنده مومی الیه ژور قومیسر بک ایله استشاره اولنق
اوزره کلجک کانون ناینک طبقوزنجی چهاشبنه کونی
ایکجی تجارت محکمه سنک افلاس اوطه سنه کلری
اعلان اولنور.

طوبخانه ده قره باش زقاغنده نومروسز دکانده
بقاللق ایدن فوطی و برادری آندونک ۲۴ کانون
اول سنه ۳۱۷ تاریخندن اعتباراً افلاسنه و معاملات
افلاسیه نک ایفاسی ضمنده اعضای محکمه دن سعادتلو

رضا بک ژور قومیسر و دعوی وکیلرندن خسته
اوغلی استاورا کی افندیکن موقت سندیک تعینلرینه
و مفلسک تجارتکاهنک تمهیریه کنندی و فامیلیاسنه الزم
قسمنک تفریقندن صکره متباقی اشیا بیتیه سنک ثبت
دفتر ایدیلرک محافظه سنه واشبو قرارک موقتاً اجراسنه
در سعادت ایکجی تجارت محکمه سندن قرار ویرلیدیکی
جهتله قانوننامه تجارتک ۱۷۰ نجی ماده سی موجبجه
مفلس مرقوم ذمتده آله جنی اولنلرک موقت سندیک
یکلرک اصالتہ تحویلی ویاخود یکیدن سندیک انتخاب
و تعینی حقنده مومی الیه ژور قومیسر بک ایله
استشاره اولنق اوزره اشبو ۱۳۱۷ سنه سی کانون
ناینسنگ ۱۰ نجی بخشبنه کونی ایکجی تجارت
محکمه سنک افلاس اوطه سنه کلری اعلان اولنور.

چاققچیلر یقوشنده طراحیلرده اجرای تجارتله
مشغول ایکن ایکجی محکمه تجارتدن افلاسنه حکم
اولنمش اولان چوقه تجارتدن نسیم آلتیناق ذمتده
آله جنی اثبات ویا موقتاً قبول و قید ایتدیرمش
اولان آله جقیلرک قانوننامه تجارتک ۲۱۱ و آتی
ولی ایدن ماده سی موجبجه مفلس طرفندن تکلیف
اولنسه جق قوتقور داتونک مذاکره سی ایچون شهر
جاری رومینک یکرمی یدنجی بخشبنه کوننده محکمه
مذکورده نک افلاس اوطه سنه کلری اعلان اولنور
ژور قومیسر

قاضی قریه سنده ارمنی کلیسای قارشوسنده بلا
نومرو مسکرات دیوسنده اجرای تجارت ایدن
میخانه جی غره غوار صارانندیسک ۲۵ کانون اول سنه
۳۱۷ تاریخندن اعتباراً افلاسنه و معاملات افلاسیه نک
ایفاسی ضمنده اعضای محکمه دن فضیلتو نجم الدین
بک ژور قومیسر و دعوی وکیلرندن طناس یورکادی
و شمعون لوی افندیلرک موقت سندیک تعینلرینه
و مفلسک تجارتکاهنک تمهیریه کنندی و فامیلیاسنه الزم
قسمنک تفریقندن صکره متباقی اشیا بیتیه سنک ثبت
دفتر ایدیلرک محافظه سنه واشبو قرارک موقتاً اجراسنه
در سعادت ایکجی تجارت محکمه سندن قرار ویرلیدیکی
جهتله قانوننامه تجارتک ۱۷۰ ماده سی موجبجه مفلس
مرقوم ذمتده آله جنی اولنلرک موقت سندیکلرک
اصالتہ تحویلی ویاخود یکیدن سندیک انتخاب و تعینی
حقنده مومی الیه ژور قومیسر بک ایله استشاره اولنق
اوزره کانون ناینک اوننجی بخشبنه کونی ایکجی
تجارت محکمه سنک افلاس اوطه سنه کلری اعلان
اولنور.